

肥鄉縣志卷之三

沿革

采衛風之麗藻思肥泉詩詠于懷歸搜汲塚之遺文取
肥事詳於薄伐然而主名未定古籍難稽遺疆空錯夫
犬牙往迹已迷夫鴻爪追縣置於魏至晉而吳域幾淪
縣復於隋至唐而清漳始省關河割據數十里瓜分豆
剖燦若列眉家國興亡三千年水剝山殘瞭如指掌志
沿革

唐虞 屬冀州

夏 禹貢曰覃懷底績至于衡漳杜佑通典注云謂漳水橫
肥鄉縣志 卷三 沿革 一

流入河即今廣平府肥鄉縣界也按府志肥鄉亦古黃
河故道所經唐時河未東南徙也又云洛水有衡漳渡
同肥鄉按府志斥漳舊城在曲周城東漢斥漳縣舊地
寰宇記隋開皇六年以地近洛水改爲洛水縣唐會昌
三年省入曲周洛水非本縣地

商 河亶甲居相 今河南彰德府 按彰德距肥鄉百里而遙於本縣

無涉

周 屬衛按爾雅水同源而異流復合者曰肥泉水詩我思
肥泉即此狄滅衛鄭樵通志亦狄都洛即此按洛水由
臨洛關經永年入鷄澤距本縣甚遠斥漳縣隋改洛水

在曲周宗城縣金改洛水卽威縣廣平府唐始曰洛州
赤狄所都非本縣地

春秋晉獻公二十年重耳奔蒲卽此按獻公都絳今山西絳
縣夷吾居屈今石樓縣重耳居蒲今蒲縣名偶同耳時
地屬衛未屬晉

戰國屬趙按列人葛藜見戰國策魏惠王八年取肥見竹書
紀年通志古以鄉爲氏肥之先有封於肥鄉者舊志肥
義傳惠文王而死其難後人嘉其義烈名其地曰肥鄉
此肥鄉之始尙未置縣也

前漢屬平干國又屬廣平國柳裴邯溝邯會屬魏卽鄴今列
臨漳縣
肥鄉縣志 卷三 沿革 二

人屬廣平國按柳裴邯溝邯會侯國後漢國除府志漢
置列人縣邯鄲蒲縣地王莽更爲列治

後漢邯溝屬魏列人屬廣平國省入鉅鹿郡按邯溝國已除
何以屬魏列人歷魏晉尙存亦未嘗省

三國魏文帝黃初二年革邯溝列人蒲縣地立肥鄉此有縣
之始按邯溝後漢已省列人卽蒲縣地特分列人地置
肥鄉耳

晉 列人肥鄉屬廣平按懷帝永嘉二年劉聰僭號盡陷中
原地入於漢元帝大興二年石勒僭號都襄國石虎遷
鄴地入于趙穆帝永和八年慕容儁滅冉閔遷都於鄴

地入于燕帝奕太和五年苻堅滅燕以苻丕鎮鄴地入于秦孝武帝太元八年慕容垂叛秦恢復舊地定都中山以慕容德鎮鄴地入於後燕安帝隆安二年魏太武帝伐燕取中山進攻鄴慕容德徙於滑臺地入於魏

南宋肥鄉令屬廣平按此僑置之縣非本地南齊同

東魏靜帝天平初省入臨漳縣按東魏都鄴治臨漳

又併斥漳于列入屬鄴按舊志以斥漳洛水爲肥鄉地以今考之斥漳併于列入斥漳所由廢也此時已無肥鄉改斥漳曰洛水斥漳所由復也此時未有肥鄉

北齊廢列併入臨漳按北齊亦都鄴故二縣省入京縣

肥鄉縣志

卷三

沿革

三

北周按武帝建德五年滅齊以尉遲迥鎮鄴靜帝大象二年迥據鄴討楊堅不克而死堅夷其城徙鄴治安陽臨漳非舊日形勢矣此肥鄉所以復舊治也

隋文帝開皇十年復置肥鄉縣屬武安郡十二年置清漳縣卽列入舊地也

唐高武德元年以肥鄉置紫州六年以肥鄉入洛州按府志四年州廢屬磁州六年改屬洛州武宗會昌三年省清漳入肥鄉開元屬河北道肥鄉屬雄州望縣

五代屬洛州

宗屬廣平武安郡

金 屬廣平郡領新安鎮

元 屬廣平路

明 屬廣平府

國朝屬廣平府直隸 京師

原文悉仍其舊間有考証加按字以別之